

ВӨЛӨСТНӨЙ ПИСАР *

(Важ олөм йылысь)

Ок, тэ, писар - коньөр морт,
Быдлун мырсъы - гиж да сёрт,
Воас выльлун - гиж да гиж...
Чужөм вылад дзик нин виж.
Да и вторник корё вын, -
Лунтыр сёйнытё он мун;
Йөзөн правленньöйд тыр, -
Гижан середаö дыр.
Сідз жö четвергö он узь -
Луныд, коньөрлы, зэв кузь;
Сюрё пекничаö пай, -
Быдөн шуö: «Билет вай!»
Уджтöг субöта оз коль:
Гижан, зяткан тшöтки моль;
Вöскресенняыд оз вун -
Ковмас пессьыны кузь лун.
Со и выльлун локтіс мөд,
А тэ шойчөгтö он төд.
Уна тэ вылын эм бать, -
Горзö обществоыд - «мать!»
Йөзыд водзын быттё пон, -
Некод оз шу: «Верман он?».
«Мирскöй казак» тэнад ним...
Быдөн сувтөдöма син...
Бурё некодлы он во,
Кöть тэ мырсъы кымын во.
Локтас Земскöй - аддзö мыж, -
Тэ, пö, делö вылад «ныж»...
Пасьяс козин тэныд - штрап...
Сылы кок вылас тэ - крап!
- «Благородье, сідз эн вöч, -
Тайö сьöмас кисьті пöсь»...
Локтас Пристав - зэв он жы,

Мед оз кывлы коклысь шы,
Дай Урядник водзын пов...
Нэмыд топыдінын ов.
Лоан пöрысь - «тэ пö шеть!»
Быдöн кутны көсйö «тшöт»
Сэкі он ков, сöмын - пет,
Тэнад семья тшыг көть пöт...
Ок, тэ писар, коньör морт,
Тэнад матын гу да горт...
... Со кызд важöн, муса пи,
Овлім писар чукör ми.

* Медводдзаысь вöлі печатайтöма 1925 воын.

Коми му. - 1925. - № 6-7. - С. 47.